

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 05-33-1-386- *10* /20

Datum: 22.04.2021.godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku akreditacije visokoškolske ustanove **Visoka škola za finansije i računovodstvo FINra, Tuzla**, a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i osiguranje kvaliteta (u daljem tekstu: Agencija) daje:

P R E P O R U K U

o akreditaciji visokoškolske ustanove **Visoka škola za finansije i računovodstvo FINra, Tuzla**

O b r a z l o ž e n j e

Ministarstvo obrazovanja i nauke Tuzlanskog kantona dostavilo je Agenciji Zahtjev za provođenje eksterne evaluacije **Visoke škole za finansije i računovodstvo FINra, Tuzla**, sa prijedlogom za imenovanje komisije stručnjaka za akreditaciju visokoškolske ustanove **Visoke škole za finansije i računovodstvo FINra, Tuzla**, broj: 10/1-34-018738-1/20 od 27.10.2020.godine, protokolirano u Agenciji pod brojem: 05-33-1-386-1/20, od 03.11.2020.godine, u kojem je predloženo da Agencija imenuje Komisiju stručnjaka koja će obaviti posjetu navedenoj visokoškolskoj ustanovi i na osnovu utvrđenog stanja, dati preporuku o ishodu akreditacije predmetne visokoškolske ustanove. Kao prilog navedenom Zahtjevu između ostalog dostavljen je samoevaluacijski izvještaj u printanoj i elektronskoj formi na engleskom i bosanskom jeziku.

Agencija je, postupajući u skladu s Instrukcijom o načinu imenovanja komisije stručnjaka za akreditaciju, 05-02-1-71-1/16 od 28.1.2016.godine, nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11 i 26/19) (u daljem tekstu: Odlukom o normama) u skladu sa članom 49. alineja 4) Okvirnog zakona, imenovala Komisiju stručnjaka Rješenjem broj: 05-33-1-386-2/20 od dana, 06.01.2021. godine. Tokom aktivnosti u vezi sa pripremom Komisije stručnjaka za posjetu visokoškolskoj ustanovi, imenovani predsjednik

www.hea.gov.ba, e-mail:info@hea.gov.ba

Komisije stručnjaka je putem e-maila informisao ostale imenovane članove Komisije stručnjaka, predstavnika Agencije kao i predstavnika Ministarstva obrazovanja i nauke Tuzlanskog kantona, da podnosi ostavku na mjesto predsjednika i članstvo u Komisiji stručnjaka. Agencija je na osnovu gore navedenog, kao i ranije dostavljenog Zahtjeva Ministarstva obrazovanja i nauke Tuzlanskog kantona kojim je tražena dopuna Rješenja o imenovanju Komisije stručnjaka, broj:10/1-34-018738-2/20, od 19.1.2021.godine, donijela Rješenje o izmjeni Rješenja o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove Visoka škola za finansije i računovodstvo FINra, Tuzla, broj: 05-33-1-386-4/20, od 21.01.2021.godine.

Komisija stručnjaka je dana 15.04.2021.godine Agenciji dostavila Izvještaj o eksternoj evaluaciji visokoškolske ustanove **Visoka škola za finansije i računovodstvo FINra, Tuzla** radi izdavanja preporuke o akreditaciji visokoškolske ustanove.

Uvidom u Izvještaj, utvrđeno je sljedeće:

- formalna cjelovitost Izvještaja;
- da je Izvještaj napisan na jednom od službenih jezika u Bosni i Hercegovini i engleskom jeziku, te
- da su napisani u skladu sa Odlukom o normama i Odlukom o kriterijima za akreditaciju visokoškolskih ustanova u BiH („Službeni glasnik BiH“, broj: 96/16) (u daljem tekstu: Odluka o kriterijima).

U skladu s Odlukom o normama, Komisija stručnjaka je ocjenila ispunjenost deset kriterija za akreditaciju opisnim ocjenama, kako slijedi:


- a) Politika osiguranja kvaliteta: *znatno ispunjen*
- b) Izrada i odobravanje programa: *znatno ispunjen*
- c) Učenje, podučavanje i vrednovanje usmjereni na studenta: *znatno ispunjen*
- d) Upis i napredovanje studenata, priznavanje i certificiranje: *potpuno ispunjen*
- e) Nastavno osoblje: *znatno ispunjen*
- f) Resursi za učenje i podrška studentima: *znatno ispunjen*
- g) Upravljanje informacijama: *znatno ispunjen*
- h) Informisanje javnosti: *potpuno ispunjen*
- i) Kontinuirano praćenje i periodična revizija programa: *znatno ispunjen*
- j) Periodično vanjsko osiguranje kvaliteta: *znatno ispunjen*

Visokoškolska ustanova bi trebala po prijemu Rješenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvata:

- imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima
- vremenski okvir za realizaciju preporuka kao i potrebne finansijske i ljudske resurse
- definisane mjerljive indikatore za praćenje realizacije Akcionog plana.

Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, daje preporuku nadležnoj obrazovnoj vlasti da izda rješenje o akreditaciji visokoškolske ustanove **Visoka škola za finansije i računovodstvo FINra, Tuzla, sa rokom važenja akreditacije od pet (5) godina**, te isto dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH.

Direktor



Prof. dr Enes Hašić

Dostaviti:

- *Ministarstvo obrazovanja i nauke Tuzlanskog kantona*
- *Visoka škola za finansije i računovodstvo FINra, Tuzla*
- *Sektor 05*
- *a/a*

